

Na osnovu člana 72. Zakona o javnim nabavkama u Bosni i Hercegovini («Službeni glasnik BiH» broj: 39/14) i Odluke o izboru najpovoljnijeg ponuđača broj 38-II-651/16 od 28.10.2016.godine, zaključuje se sljedeći:

U G O V O R **O IZVOĐENJU RADOVA**

UGOVORNE STRANE:

JAVNA USTANOVA OSMA OSNOVNA ŠKOLA „AMER ČENANOVIĆ“ ILIDŽA, ulica Ilirska broj 2, ID broj: 4200333470008, koju zastupa direktor Vahid Čustović (u daljem tekstu: **Naručilac**),

i

NEGRO CROWN d.o.o., Olimpijska broj 32, Sarajevo, PDV broj 201552990005, Transakcijski račun broj 1610000087300011 otvoren kod Raiffeisen banke, koje zastupa direktorica Dženita Čengiđ, (u daljem tekstu: **Izvođač**)

Sporazumjeli su se o sljedećem:

I PREDMET UGOVORA

Član 1.

Predmet ovog ugovora **„Sanacija poda fiskulturne sale u JU Osma osnovna škola „Amer Čenanović“ Ilidža**”, za što je proveden postupak konkurentskog zahtjeva JN 22/16

Ponuda izvođača radova, sa predmjerom i predračunom radova, je sastavni dio ovog ugovora.

Član 2.

Ovim ugovorom naručilac povjerava, a izvođač se obavezuje da će za potrebe naručioca izvršiti **radove sanaciji poda fiskulturne sale**, u skladu sa ponudom iz člana 1. stav 2. ovog ugovora i uslovima iz konkurentskog zahtjeva.

II VRIJEDNOST RADOVA (CIJENA)

Član 3.

Vrijednost radova iz člana 1. ovog ugovora iznosi:

bez PDV-a: 39.771,00 KM

(Slovima: tridesetdevehiljadasedamstotinasedamdesetjedna KM i 00/100)

PDV: 6.761,07 KM

(Slovima: šestihiljadasedamstotinašezdesetjedna KM i 07/100)

sa PDV-om: 46.532,07 KM

(Slovima: četrdesetšestihiljadapetstotinatridesetdvije KM i 07/100)

Jedinične cijene radova iz člana 1. ovog ugovora su fiksne i ne podliježu bilo kakvim promjenama.

III NAČIN PLAĆANJA

Član 4.

Naručilac JU Osma osnovna škola „Amer Ćenanović“ Ilidža se obavezuje da će prema izvođaču **NEGRO CROWN d.o.o.** izvršiti plaćanje po privremenoj i okončanoj situaciji.

IV ODREDBE O ROKU IZVOĐENJA RADOVA

Član 5.

Izvođač se obavezuje da će radove koji su navedeni u članu 1. ovog ugovora izvršiti u roku od 60 (šezdeset) dana od dana uvođenja u radove.

Danom dovršavanja ugovornih radova smatra se dan uspješno obavljene primopredaje radova.

Ako se primopredaja ne može obaviti u zakazanom roku iz razloga za koje izvođač nije odgovoran, dan dovršenja ugovorenih radova smatra se zajednički planiran datum primopredaje.

Primopredaja se smatra uspješno obavljenom ako u zapisniku nema uslovnih primjedbi na ugovorom predviđene radove.

Član 6.

Izvođač je dužan pridržavati se ugovorom utvrđenih rokova i operativnog plana. Izvođač ima pravo produženja ugovorenih rokova u sljedećim slučajevima:

Usljed više sile, što podrazumjeva vanredne vanjske događaje ili pojave ili prirodne događaje (poplava, potres).

Ljudske radnje koje se nisu mogle predvidjeti, izbjeći ili ukloniti.

Mjere predviđene organima nadležnih tijela.

Rok za dovršenje radova produžit će se za onoliko dana koliko je trajala smetnja, uzimajući u obzir i vrijeme potrebno za ponovnu organizaciju rada i nastavak radova. Izvođač je dužan podnijeti zahtjev za produženje roka naručiocu u roku od osam dana po nastanku razloga za produženje roka.

Produženje roka utvrđuje naručilac i izvođač radova u pismenom obliku i to u roku od 10 dana po pismenom zahtjevu izvođača.

Ukoliko naručilac ne odgovori u navedenom roku, smatra se da je prihvatio zahtjev izvođača.

V GARANTNI ROK

Član 7.

U svrhu obezbjeđenja izvršenja ovog ugovora, izvršilac je obavezan naručiocu dostaviti:

U roku od 7 dana od dana zaključenja ugovora, bankovnu garanciju za dobro izvršenje posla u iznosu 10 % od ukupne vrijednosti ugovora sa rokom važnosti: rok izvođenja radova +30 dana, od dana potpisivanja ugovora.

Izvođač daje garanciju za kvalitet izvedenih radova i ugrađenog materijala u trajanju od 2 (dvije) godine, a koja počinje teći od dana okončanja i primopredaje radova, što će konstatovati zapisnikom o okončanom obračunu i primopredaji radova. U toku trajanja garancije za kvalitet izvedenih radova, Izvođač će po zahtjevu Naručioca, o svom trošku preuzeti mjere popravke, u razumnom roku za ispravku navedenih propusta.

VI ODREDBE O RASKIDU UGOVORA

Član 8.

Naručilac može raskinuti ugovor :

1. ako se Izvođač ne pridržava uslova iz ovog ugovora,
2. ako Izvođač na pismeni zahtjev i nakon 10 dana ne započne sa radovima,
3. ako Izvođač kasni sa izvođenjem više od 15 dana,
4. ako van ugovornih uvjeta i bez saglasnosti Naručioca prepusti izvođenje svih ili većine radova podizvođaču.

Izvođač može raskinuti ovaj ugovor ako dođe u situaciju da ne može nastaviti sa izvođenjem radova.

Iniciranje prekida ugovornog odnosa ostvaruje se uručenjem pisanog dopisa o raskidu ugovora drugom ugovaratelju.

Ako ugovaratelji sporazumno raskinu ugovor oni sporazumno i rješavaju sva sporna pitanja nastala raskidom ugovora.

Ugovorne strane su saglasne da se o pitanjima koja nisu regulisana ovim ugovorom primjenjuju odredbe iz Zakona o obligacionim odnosima.

Član 9.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

VII POSEBNE ODREDBE

Član 10.

Sve izmjene ovog ugovora mogu se vršiti isključivo i samo uz pismenu saglasnost ugovornih strana.

Član 11.

Ovaj ugovor stupa na snagu danom potpisivanja od strane ovlaštenih lica ugovornih strana.


Član 12.

U slučaju da izvođač ne dostavi garanciju za uredno izvršenje ugovora, u roku navedenom u članu 7. ovog ugovora zaključeni ugovor se smatra apsolutno ništavnim.

Član 13.

Ovaj ugovor je sačinjen u 6 (šest) istovjetnih primjeraka, 2 (dva) za Izvođača i 4 (četiri) za Naručioca.

ZA IZVOĐAČA
NEGRO CROWN d.o.o.


Direktor
Dženita Čengić


Broj: 21-12-18-H

Datum: 14.11.2016.



ZA NARUČIOCA
JU OSMA OSNOVNA ŠKOLA „AMER ČENANOVIĆ“




Direktor
Vahid Čustović

Broj: 38-11-678/16

Datum: 14.11.2016.